

UGOVOR
o javnoj nabavci usluga
premještanje mamografskog sistema

zaključen u Sarajevu, dana 2019. godine, između:

Javna ustanova Zavod za zdravstvenu zaštitu žena i materinstva Kantona Sarajevo,

sa sjedištem u Sarajevu, ulica Josipa Vancaša broj 1,

ID broj: 4200291370008,

Telefon: 033/560-222, Fax: 033/560-224

e-mail: zzzm@bih.net.ba

koju zastupa Prim. mr.sci.dr. Mithat Kurtović, direktor (u daljem tekstu: Ugovorni organ),

i

SIEMENS Medicina d.o.o.

sa sjedištem u Sarajevu, ul. Zmaja od Bosne

ID broj: 422082010005

PDV broj: 2020820100057

Telefon: 033/727-658, Fax: 033/727-696

e-mail: amir.obralic@siemens-healthineers.com

koga zastupa Ahlfont Hans Peter, direktor i Amir Obralić, izvršni direktor za finansijske poslove (u daljem tekstu: Pružaoc usluge)

Član 1.

Predmet ovog ugovora je pružanje usluga - premještanja mamografskog sistema- deinstaliranje, transport, instaliranje, puštanje u rad digitalnog mamografa-mamomata „INSPIRATION“, te obuka tri radnika, koji će raditi na mamomatu iz Javne ustanove Opća bolnica „Prim.dr. Abdulah Nakaš“ u Sarajevu u Javnu ustanovu Zavod za zdravstvenu zaštitu žena i materinstva Kantona Sarajevo, provedena putem pregovaračkog postupka bez objave obajestjenja broj PP 10-01/19 i to:

1. Izrada projektnog plana za instalaciju mamografskog sistema u JU Zavod za zdravstvenu zaštitu žena i materinstva Kantona Sarajevo, ul. Josipa Vancaša br.1, 71000 Sarajevo.

2. Demontaža mamografskog sistema u JU Opća bolnica „Prim.dr. Abdulah Nakaš“ u Sarajevu, ul. Kranjčevićeva br. 12, 71000 Sarajevo, odjel radiološke dijagnostike-treći sprat.

3. Transport mamografskog sistema sa osiguranjem istog, iznošenje istog iz JU Opća bolnica „Prim.dr. Abdulah Nakaš“, unosenje istog u JU Zavod za zdravstvenu zaštitu žena i materinstva Kantona Sarajevo.

4. Montaža mamografskog sistema i puštanje u rad (Startup) prema propisanim procedurama Siemens.

5. Tehničko-operativna obuka radnika koji će raditi na mamografskom sistemu od strane servisnog inženjera.

6. Godinu dana garancije za mamografski sistem od trenutka puštanja u rad. Pod garancijom se podrazumjeva pokrivenost svim rezervnim dijelovima, uključujući detektor i cijev, kao i sav rad servisera u trajanju od godinu dana.

Dobavljač je dostavio ponudu broj 1206/2019 od 18.06.2019. godine, koja je u prilogu i predstavlja sastavni dio ovog Ugovora.

Član 2.

Ugovorna vrijednost usluga iz člana 1. ovog Ugovora bez PDV-a iznosi: 16.000,00 KM (slovima: šesnaest hiljadakonvertibilnih maraka), i sa PDV-om iznosi: 18.720,00 KM. Cijena je fiksna i ne može se mijenjati za vrijeme važenja ugovora. Nakon isteka garantnog roka servis je osiguran od strane Pružaoca usluge.

Član 3.

Pružaoac usluge se obavezuje da će Ugovornom organu pružiti uslugu iz člana 1. ovog Ugovora na lokalitet Centar na adresu Josipa Vancaša br. 1, 71000 Sarajevo, u roku do 10 dana od dana obostranog potpisa ovog Ugovora.

Član 4.

U slučaju kašnjenja u izvršenju usluga iz člana 1. ovog Ugovora, do kojeg je došlo krivicom Pružaoca usluge, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorene vrijednosti usluge koja je predmet narudžbe. Odabrani Pružaoac usluge je dužan platiti ugovornu kaznu u roku od 7 (sedam) dana od dana prijema pismenog zahtjeva za plaćanje od Ugovornog organa.

Član 5.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani Pružaoac usluge nije mogao uticati niti ih predvidjeti.

Član 6.

Pružaoac usluge nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

Član 7.

Pružaoac usluge se obavezuje da neće zapošljavati, u svrhu izvršenja ugovora, lica zaposlena kod ugovornog organa koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za javne nabavke ugovornog organa najmanje šest mjeseci po zaključenju ovog ugovora, odnosno od početka realizacije ovog ugovora.

Član 8.

Ugovorni organ će Pružaoцу usluge za izvršenu uslugu izvršiti plaćanje u roku od 45 dana od dana dostavljanja fakture o izvršenoj usluzi, a na osnovu sljedeće dokumentacije:

- faktura,
- potpisan pismeni dokaz-izvještaj o puštanjem u rad mamografskog sistema i tehničko-operativnoj obuci radnika, potpisan od ovlaštenog lica kojeg odredi Ugovorni organ.

Plaćanje će se izvršiti na transakcijski račun Dobavljača broj: 3387202238224369 kod UniCredit Bank.

Član 9.

Za sve što nije regulisano ovim ugovorom primjenjivat će se odredbe zakona koji regulišu obligacione odnose, kao i drugi propisi koji regulišu ovu materiju.

Član 10.

Sve sporove koji proisteknu u realizaciji ovog ugovora, ugovorne strane će rješavati sporazumno u duhu dobrih poslovnih odnosa. U slučaju da sporazum nije moguć, spor će se pokušati riješiti arbitražom, a ukoliko se spor ne riješi arbitražom, spor će rješavati nadležni sud u Sarajevu.

Član 11.

Ovaj Ugovor stupa na snagu danom potpisivanja od strane obje ugovorne strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

ZA PRUŽAOCA USLUGA

Ahlfont Hans Peter, direktor

Amir Obralić, izvršni direktor za
finansijske poslove

ZA UGOVORNI ORGAN

Prim. mr. sci. dr. Miħat Kurtović, direktor

Sarajevo, 24.06.2019

Broj: 023/06-19

Sarajevo, 20.06.2019

Broj: 10-1146-01/19